



Broj: 10/E-11-3051/24-2
Sarajevo, ~~20-06-2024~~ . godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Opštinskog načelnika broj: 10-45-237/24 od 25.03.2024. godine, (u daljem tekstu: Komisija II), u postupku javne nabavke: Nabavka računarske opreme - LOT 2 - Nabavka sitne računarske opreme (Zapisnik o pregledu i ocjeni ponuda broj: 10/E-11-3051/24-2 od ~~14-06-2024~~ . godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača „**MOON**“ d.o.o. Zenica, ulica Maršala Tita broj 38, 72000 Zenica, broj: 23-05-24-b od 23.05.2024. godine, za nabavku računarske opreme - LOT 2 – Nabavka sitne računarske opreme, putem otvorenog postupka, sa cijenom u ukupnom iznosu od **5.950,00 KM bez PDV-a**, odnosno **6.961,50 KM sa PDV-om**.
- II.** Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od **5 (pet) dana** od dana prijema ove Odluke na Protokol Ugovornog organa (originalne ili ovjerene kopije).
- III.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima ugovornog organa i zakonskim propisima.
- IV.** Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak za javnu nabavku računarske opreme, pokrenut je Odlukom Općinskog načelnika o pokretanju postupka broj: 10/E-11-3051/24 od 16.04.2024. godine, putem otvorenog postupka, uz primjenu e-aukcije.

Predmet nabavke podijeljen je na lotove, i to: LOT 1 – Nabavka PC i monitora i LOT 2 – Nabavka sitne računarske opreme.

Obavještenje o nabavci 848-1-1-26-3-60/24 od 30.04.2024. godine objavljeno na Portalu javnih nabavki. Sažetak Obavještenja o nabavci objavljen u „Službenom glasniku BiH“ – Oglasnik javne nabavke, broj 30/24. Obavijest o ispravci tenderske dokumentacije, broj: 10/E-11-3051/24 od 15.05.2024. godine objavljena je na Portalu javnih nabavki dana 15.05.2024. godine.

Ukupna procijenjena vrijednost javne nabavke iznosi **125.000,00 KM bez PDV-a**, od čega za LOT 1 – nabavka PC i monitora procijenjena vrijednost 119.000,00 KM bez PDV-a, a za LOT 2 – Nabavka sitne računarske opreme procijenjena vrijednost iznosi 6.000,00 KM bez PDV-a.

U roku za predaju ponuda koji je određenom tenderskom dokumentacijom (24.05.2024. godine do 11:00 sati), na adresu Ugovornog organa, za LOT 2 – Nabavka sitne računarske opreme dostavljena je 1 (jedna) ponuda predata od ponuđača „MOON“ d.o.o. Zenica.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitana je cijena ponuda, kao kriterij „najniža cijena“, kako slijedi:

R/b	Ponudač	Ukupna cijena (KM) bez PDV-a	Popust	Ukupna cijena (KM) sa PDV-om
1.	„MOON“ d.o.o. Zenica	5.950,00	/	6.961,50

Nakon izvršenog javnog otvaranja ponuda, na zatvorenom sastanku Komisija II je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacije ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Uvidom je Komisija II ustanovila da dostavljena ponuda ispunjava formalno-pravne, ekonomske i tehničke uslove, odnosno da ispunjava zahtjeve ugovornog organa iz tenderske dokumentacije za predmetnu nabavku, te da je ista prihvatljiva u smislu Zakona o javnim nabavkama.

Detaljnom računskom provjerom ispravnosti ponude navedenog ponuđača, Komisija II je utvrdila da je podnesena ponuda računski ispravna, te da je ispravno obračunata ukupna cijena ponude sa PDV-om. Tenderskom dokumentacijom je predviđeno provođenje e-aukcije. S obzirom na to da je primljena samo jedna prihvatljiva ponuda, e-aukcija se nije zakazivala, shodno članu 4. stav (2) Pravilnika o uslovima i načinu korištenja e-aukcije („Službeni glasnik BiH“, broj 80/23).

Rangiranje ponude na osnovu kriterija za izbor ponude „najniža cijena“, shodno članu 64. stav (1) tačka b) Zakona o javnim nabavkama:

Rang	Ponudač	Ukupna cijena (KM) bez PDV-a
1.	„MOON“ d.o.o. Sarajevo	5.950,00

PREPORUKA O PRIHVATANJU PONUDE

Ponuđača „**MOON**“ d.o.o. Zenica, ulica Maršala Tita broj 38, 72000 Zenica, broj: 23-05-24-b od 23.05.2024. godine, za nabavku računarske opreme - LOT 2 – Nabavka sitne računarske opreme, sa cijenom u ukupnom iznosu od **5.950,00 KM bez PDV-a**, odnosno **6.961,50 KM sa PDV-om**, sa kojim će biti zaključen ugovor.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema iste, shodno članu 101. Zakona o javnim nabavkama.

Naknada za pokretanje žalbenog postupka iznosi 500,00 KM u skladu sa članom 108. stav (1) tačka a), a u vezi sa stavom (3) istog člana Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda

broj: 10/E-11-3051/24-2 od 14-06-2024 godine



Dostaviti:

1. Ponuđaču: „MOON“ d.o.o. Zenica, ulica Maršala Tita broj 38, 72000 Zenica
2. Kabinetu općinskog načelnika – Odsjek za javne nabavke
3. Kabinetu općinskog načelnika – Odsjek za informatiku
4. Službi za finansije
5. U spis